



CYNGOR SIR PENFRO

CYLCHLYTHYR

YSGOL CYFRWNG SAESNEG 11-19

HWLFFORDD

Hydref 2017



Croeso i'r cylchlythyr cyntaf sy'n ymwneud â'r Ysgol Cyfrwng Saesneg 11-19 newydd yn Hwlfordd. Fel y gwyddoch yn barod, penderfynwyd y Cyngor Llawn ar 20 Gorffennaf 2017 i derfynu ysgolion Syr Thomas Picton a Ysgol Wirfoddol Reoledig Tasker Milward yn 31 Awst 2018. O ganlyniad, sefydlir Ysgol Cyfrwng Saesneg 11-19 newydd yn Hwlfordd yn effeithiol o 1 Medi 2018, yn y lle cyntaf gan ddefnyddio safleoedd yr ysgolion presennol.

CORFF LLYWODRAETHOL DROS DRO

Sefydlwyd y Corff Llywodraethol Dros Dro erbyn hyn ac maent wedi cynnal dau gyfarfod. Apwyntiodd yr Awdurdod Lleol y llywodraethwyr, fel y mynnir gan Reoliadau Llywodraeth Cymru. Mae'r aelodau yn llywodraethwyr presennol o gyrff llywodraethol Syr Thomas Picton a Ysgol Wirfoddol Reoledig Tasker Milward. Etholwyd Mr Paul Lucas (Ysgol Wirfoddol Reoledig Tasker Milward) a Mr Richard Griffiths (Syr Thomas Picton) fel Cadeirydd ac Is-gadeirydd yn ôl eu trefn.


Gweler isod diweddariad o Gadeirydd y Llywodraethwyr.

"Mae'r Corff Llywodraethol Dros Dro newydd yn edrych ymlaen at y sialens o greu ysgol uwchradd newydd yn Hwlfordd ac rydym yn rhoi cynlluniau mewn lle yn ddigon cynnar er mwyn symud ymlaen i Fedi 2018. Rydym yn ymwybodol o ofidion rhieni a gofawyr ac rydym yn cyfeirio'r rhain ac yn gwneud ein gorau glas i sicrhau cyfnod llyfn o drawsnewidiad i'r ysgol newydd ble bynnag y bo modd.

Mae Penaethiaid Dros Dro a staff y ddwy ysgol bresennol yn gweithio'n agos gyda'u gilydd yn barod i sicrhau ymarfer da cyn belled ac mae darpariaeth pynciau a safonau dysgu yn y cwestiwn.

Ar ran y Corff Llywodraethol Dros Dro, hoffwn ddiolch i rieni/gofawyr am eu cefnogaeth a'u diddordeb yn y cyfle rhyfeddol hwn i gynorthwyo greu sedd dosbarth cyntaf o ddysgu i ddisgyblion Hwlfordd a'r ardal amgylchynol." Paul Lucas

Cynhelir cyfarfod nesaf y Corff Llywodraethol Dros Dro ar ddydd Iau 9 Tachwedd 2017.



CWESTIYNAU CYFFREDIN

1) Sut bydd safle rhanedig yn gweithio?

Bydd hwn yn benderfyniad i'r Pennaeth a'r Corff Llywodraethol, ond mae'n debygol y bydd rhai grwpiau blwyddyn mewn un adeilad a rhai ohonynt yn yr adeilad arall. Y pwynt pwysig yw fydd hi'n un gymuned ysgol.

2) A fydd un safle yn gweithredu fel ysgol isaf a'r llall fel ysgol uchaf?

Mae model ysgol isaf ac uchaf yn bosibl, ond y Pennaeth a'r Corff Llywodraethol fyddai'n penderfynu ble i roi'r grwpiau blwyddyn.

3) A fydd y staff yn teithio rhwng safleoedd neu a fydd y ddwy ysgol yn cadw eu staff eu hunain?

Yr ysgol newydd fydd yn cyflogi'r staff. Ar ôl i benderfyniad gael ei wneud ynghylch trefniadaeth a strwythur staffio'r ysgol, bydd ymgynghoriad â'r staff ar sut byddai hyn yn effeithio ar drefniadaeth. Mae'n debygol y bydd rhywfaint o deithio oherwydd y gallai fod angen i staff addysgu grwpiau blwyddyn wahanol mewn lleoliadau gwahanol.

4) Pa mor fawr fydd y dosbarthiadau?

Nid ydym yn rhagweld y bydd maint y dosbarthiadau, ar gyfartaledd, yn llawer mwy nag ydynt ar hyn o bryd, ond efallai y bydd rhai disgyblion o Ysgol Tasker Milward yn gweld bod dosbarthiadau mwy, a rhai disgyblion o Ysgol Syr Thomas Picton yn gweld bod dosbarthiadau llai oherwydd y gwahaniaeth rhwng nifer y disgyblion yn yr ysgolion gwahanol ar hyn o bryd.

5) A yw'r holl bynciau sy'n cael eu haddysgu ar hyn o bryd yn debygol o barhau ar ôl i'r ysgolion uno?

Mae cwricwlwm eang a chytbwys yn ofyniad i bob ysgol ac, wrth uno, mae'n bosibl y caiff pynciau eu hehangu oherwydd y bydd arbedion maint mewn meysydd eraill.

6) Sut caiff cludiant ysgol ei weithredu?

Bydd polisi cludiant yr awdurdod lleol yn cael ei gymhwyso ac nid oes unrhyw fwriad i ddisgyblion orfod teithio rhwng y safleoedd.

7) Pa ysgol ddylwn i wneud cais amdani yn ystod y cyfnod derbyn?

Dewiswch naill ai Ysgol Syr Thomas Picton neu Ysgol Wirfoddol Reoledig Tasker Milward ar y system ar-lein pan fyddwch yn gwneud cais, a byddwn yn ystyried bod eich cais ar gyfer yr ysgol newydd fel mater o drefn.

8) Ar ba safle fydd yr ysgol wedi'i lleoli'n barhaol?

Cyflwynwyd cynnig i Lywodraeth Cymru am gyllid a dylem wybod erbyn canol mis Tachwedd p'un ac ydyw wedi'i dderbyn ai peidio. Mae trafodaethau'n mynd ymlaen o ran opsiynau'r safle. Wedi i ni gael cadarnhad o'r cyllid, byddwn yn rhoi gwybod i'r ddwy ysgol er mwyn gallu cyfleu hyn i rieni, staff a disgyblion. Disgwylir y caiff y penderfyniad terfynol ar y safle ei wneud yng nghyfarfod y Cyngor Llawn ar 12 Rhagfyr 2017.

9) A fydd rhaid prynu gwisg ysgol newydd erbyn Medi 2018 neu a gaiff ei chyflwyno'n raddol?

Mae'r Corff Llywodraethol Dros Dro yn trafod y wisg ar gyfer yr ysgol newydd ar hyn o bryd, a oedd yn cynnwys proses ymgynghori â chynghorau'r ysgolion, rhieni/gofalwyr a rhanddeiliaid eraill; bydd angen i ddisgyblion newydd sy'n ymuno â'r ysgol ym mis Medi 2018 wisgo'r wisg newydd, a chaiff disgyblion presennol Ysgol Syr Thomas Picton ac Ysgol Wirfoddol Reoledig Tasker Milward eu hannog i drosglwyddo o'u wisg bresennol cyn gynted â phosibl, ond heb fod yn hwyrach na Medi 2020. Bydd y wisg newydd yn lliw gwahanol; caiff pawb eu hysbysu am y newidiadau mewn da bryd cyn Medi 2018.

APWYNTIAD Y PENNAETH

Crëwyd panel apwyntio ar gyfer apwyntiad y Pennaeth newydd a chafodd hysbyseb ei rhyddhau â dyddiad cau o 6 Hydref. Mae'r panel wedi dechrau'r broses o edrych ar greu rhestr fer a bydd y cyfweiliadau yn cymryd lle ym mis Tachwedd; cyfarfyddir y Corff Llywodraethol Dros Dro i gadarnhau apwyntiad y Pennaeth. Unwaith apwyntir y Pennaeth, bydd llawer o drefniadau ar gyfer trefniant safle'r ysgol yn benderfyniad i'r Pennaeth a'r Corff Llywodraethol Dros Dro ynghyd a gweithio â'r Awdurdod Lleol yn agos gyda'r ddwy ysgol er mwyn sicrhau bod newidiadau a weithredwyd mor llyfn ag sy'n bosib.

LOGO YR YSGOL

Yn ystod tymor yr Hydref, bydd disgyblion yr ysgolion presennol yn gymwys i gymryd rhan mewn dylunio logo newydd yr ysgol; mae llywodraethwr sy'n cynrychioli'r staff ar y Corff Llywodraethol Dros Dro ar hyn o bryd yn y broses o greu canllawiau i'r disgyblion. Mae Cadeirydd y Corff Llywodraethol Dros Dro wedi cynnig gwobr garedig o £100 i'r cynllun buddugol!

Anfonwch unrhyw gwestiynau sy'n deillio o'r cylchlythyr yma at:

Huw Jones

Derbyniadau a Chynllunio Llefydd

Neuadd y Sir

Hwlfordd

SA61 1TP

01437 764551

huw.jones@pembrokeshire.gov.uk

